

լիս պետք էր նրա ձեռքը ածուխի կտոր դնել, որովհետև քաշկէքը, ոքոնք արթուն են, մանավանդ մթնում, վախենում են ածուխից:

Միջոցներ էին ձեռք առնվում երեխային շար աչքից պաշտպանելու համար: Այդ նպատակով նրա օրորոցից կամ զգեստից կախում էին աշիշ օւլմօնֆնէր, բռնից շինած հմայիլներ, մուլլայի գրէր և այլն:

Իսկ եթե երեխան, այնուամենայնիվ, կօխվրմ էր՝ նիհարում, հուծվում, նույնպես դիմում էին մոգական միջոցների: Այսպես անց էին կացնում նրան՝ զարնազան օղակների՝ նեղ անցքերի միջով՝

գալլի ծնոտից կապած կաշվե օղակի միջով, ինչպես անում էին ամուր կնոջ համար.

ձիու սանձի միջով.

շեմքին կանգնեցրած հոր ոտների միջով.

հերթիկով.

ուղտի կամ էշի տակով.

հացի մեջ կտրած կլոր ծակով—այդ հացը պիտի ծածուկ գողացված լիներ այն տանից, որտեղից եկել էր ծննդկանի մոտ քառասունօր կինը և երեխայի կոխման պատճառ դարձել.

կշեռքը կանգնեցնում էին գետնին, ամեն թաթի մեջ դնում էին քաֆօն՝ չորացած աղը և կշեռքի երկու կախված թաթերի արանքով երեխային անցկացնում⁷⁵.

անց էին կացնում տան շեմքին կանգնեցրած այն մարդու ոտների չէֆավ՝ ծագավ, որ մարդուց երեխան ըստ ենթադրության պիտի կոխված լիներ: Եթե այդ մարդը չէր ուզենա գալ, գողանում էին նրա ոտաշորը կամ շալվարը և չէֆավ երեխային անցկացնում:

Բոլոր այսպիսի դեպքերում գործողությունը կրկնվում էր երեք անգամ, այն էլ անպատճառ օղակի՝ ծակի արանքի, անցքի միևնույն մեկ կողմից:

Եթե միսը ներս բերելիս մոռացել էին երեխային սենյակից դուրս հանել, այդ կամ մի այլ մտից մի կտոր ձգում էին ջրի մեջ և երեխային նույն ջրով յոթ անգամ լողացնում: Լողացնում էին երեխային երեք անգամ ջուր ածելով սատկած կամ նոր ծնված լակոտի, կամ սատկած կատվի վրա—մեկ՝ չորեքշաբթի, երկու՝ ուրբաթ կամ երկու՝ չորեքշաբթի և մեկ՝ ուրբաթ օրերը: Լողացնում էին անճաշակ՝ հաղորդություն չստացած մեռած մարդու գերեզմանի վրա, նրա ոտների տեղում: Քրոասունֆակօխ երեխային լողացնում էին սև հավի նոր ածած ձվի կճեպով քառասուն անգամ լցված ամանի ջրի մեջ: Դատարկվող կճեպը պիտի երեխային էլ դատարկեր հիվանդությունից⁷⁶: Թըլիսմի չամօվ՝ թասով յոթն անգամ եղլամիշ էին անում թիկունքի երկու թիակների արալըղավ՝ միջով:

Այսպիսով լվանում էին երեխայի վրայից հիվանդությունը:

Քառասունքակոխ երեխայի քրոասունֆը կտրում էին: Տատմերը յոթ հավից մի-մի փետուր փետելով և յոթ գույն թել վերցնելով ելնում էր կտուրը և հերթիկից կանչում՝.

«Հատրա քրոասունքը կտրէ՞մ»:

⁷⁵ Բեխ:

⁷⁶ Եթե երեխան անշնչացած էր ծնվում, սև հավի գլուխը կտուցով ներս էին խցկում հետույքի անցքով, հավը սատկում էր, երեխան շունչ առնում: Սև հավը կարծես իր վրա էր վերցնում երեխայի մահը: Հավատում էին, որ սև հավի արյունն էլ հմայող գորություն ուներ: